

ASOCIJACIJA IZVOĐAČA I SVIRAČA "AIS"
SARAJEVO, Tel: 033/425-400

Broj: 307 Datum: 02.04.2026

UDRUŽENJE ASOCIJACIJA IZVOĐAČA I SVIRAČA

IZVJEŠTAJ O REVIZIJI

FINANSIJSKI IZVJEŠTAJI
PRIPREMLJENI U SKLADU SA
MEĐUNARODNIM STANDARDIMA
FINANSIJSKOG IZVJEŠTAVANJA

Na dan 31. DECEMBAR 2025



REVIZIJA-AUDITING doo Mostar
Društvo za reviziju finansijskih izvještaja



IZVJEŠTAJ OVLAŠTENOG REVIZORA

UPRAVI

UDRUŽENJA ASOCIJACIJA IZVOĐAČA I SVIRAČA AIS

1. Mišljenje

Obavili smo reviziju finansijskih izvještaja Udruženja Asocijacija izvođača i svirača (u daljem tekstu AIS / Društvo), koji obuhvataju bilans stanja na dan 31.12.2025. godine, odgovarajući izvještaja o prihodima i rashodima, te bilješke uz finansijske izvještaje i sažetak značajnih računovodstvenih politika prikazanih na stranicama od 6 do 36.

Prema našem mišljenju finansijski izvještaji daju istinit i fer pregled, u svim stavkama od materijalnog značaja, o finansijskom položaju Udruženja Asocijacija izvođača i svirača na dan 31. decembar 2025. godine, rezultatima njegovog poslovanja i u skladu su sa općeprihvaćenim računovodstvenim načelima i Međunarodnim standardima finansijskog izvještavanja.

Finansijsko poslovanje Asocijacije izvođača i svirača (AIS) tokom 2025. godine je, u svim značajnim aspektima, usklađeno sa Zakonom o autorskom i srodnim pravima i Zakonom o kolektivnom ostvarivanju autorskog i srodnih prava, s aktima AIS-a i sa zaključenim ugovorima.

Reviziju finansijskih izvještaja prethodne poslovne godine obavila je revizijska kuća Revizija Auditing d.o.o. Mostar, ovlašteni revizor Zoran Turković, po kojoj je dato pozitivno mišljenje.

2. Osnova za mišljenje

Reviziju smo obavili u skladu s Međunarodnim revizijskim standardima. Naše odgovornosti, prema tim standardima, su detaljnije opisane u dijelu *Odgovornost revizora za reviziju finansijskih izvještaja*.

Neovisni smo od Društva u skladu s Kodeksom etike za profesionalne računovođe Odbora za međunarodne standarde etike za računovođe i ispunili smo naše etičke odgovornosti u skladu s tim zahtjevima i Kodeksom IESBA.

Uvjereni smo da su revizijski dokazi koje smo prikupili dovoljni i primjereni kao osnova za izražavanje našeg mišljenja.

3. Ključna revizijska pitanja

Ključna revizijska pitanja su ona pitanja koja su bila, po našoj profesionalnoj procjeni, od najveće važnosti za našu reviziju finansijskih izvještaja tekućeg perioda.

Kao ključno revizijsko pitanje utvrdili smo da je to formiranje fondova kao i raspodjela naknada za prava izvođača muzičkih dijela (tantijema) i opštih troškova neophodnih za funkcionisanje udruženja.

Temeljem dostupnih dokaza i provedenih postupaka revizije vjerujemo da je formiranje fondova kao i raspodjela naknada za prava izvođača muzičkih dijela (tantijema) i opštih troškova neophodnih za funkcionisanje Udruženja izvršena u skladu sa odlukama nadležnih organa, te računovodstvenim principima i pozitivnim zakonskim propisima.

4. Ostale informacije u finansijskim izvještajima

Uprava je odgovorna za ostale informacije uključene u godišnje izvještaje, ali ne uključuju finansijske izvještaje niti izvještaj neovisnog revizora o reviziji finansijskih izvještaja. Naše mišljenje o finansijskim izvještajima ne obuhvaća ostale informacije, osim ako u izvještaju neovisnog revizora to nije posebno naglašeno. Revizor ne izražava uvjerenje bilo koje vrste vezano za ostale informacije.

5. Odgovornost Uprave za finansijske izvještaje

Uprava je odgovorna za pripremanje i fer prezentaciju priloženih finansijskih izvještaja u skladu s Međunarodnim standardima finansijskog izvještavanja. Odgovornosti Uprave obuhvataju: dizajniranje, uspostavljanje i održavanja internih kontrola vezanih za pripremanje i fer prezentaciju finansijskih izvještaja koji ne sadrže materijalno značajne pogreške, bilo zbog prevare ili grešaka; odabir i dosljednu primjenu odgovarajućih računovodstvenih politika; te davanje razboritih računovodstvenih procjena u datim uslovima. U sastavljanju finansijskih izvještaja Uprava je odgovorna za procjenu sposobnosti Društva da nastavi s poslovanjem i korištenjem računovodstvene osnove utemeljene na vremenskoj neograničenosti poslovanja.

U sastavljanju finansijskih izvještaja, Uprava je odgovorna za procjenjivanje sposobnosti Udruženja Asocijacija izvođača i svirača da nastavi s vremenski neograničenim poslovanje, te objavljivanje, ako je primjenjivo, pitanja povezanih s vremenski neograničenim poslovanjem, osim u onim slučajevima kada Uprava namjerava likvidirati Društvo, prekinuti poslovanje ili nema realne alternative nego da to učini.

Oni koji su zaduženi za nadzor odgovorni su za nadziranje procesa finansijskog izvještavanja uspostavljenog od strane Društva.

6. Odgovornost revizora za reviziju finansijskih izvještaja


Naša odgovornost je izraziti nezavisno mišljenje o priloženim finansijskim izvještajima na temelju naše revizije. Reviziju smo obavili u skladu s Međunarodnim revizijskim standardima. Navedeni standardi zahtijevaju da postupamo u skladu s etičkim pravilima, te da reviziju planiramo i obavimo kako bismo se u razumnoj mjeri uvjerali da finansijski izvještaji ne sadrže materijalno značajne pogreške. Pogrešni prikazi mogu nastati usljed prevare ili pogreški i smatraju se značajni ako se razumno može očekivati da, pojedinačno

ili u zbiru, utiču na ekonomske odluke korisnika donijete na osnovu tih finansijskih izvještaja.

Revizija uključuje primjenu postupaka kojima se prikupljaju revizijski dokazi o iznosima i drugim podacima objavljenim u finansijskim izvještajima. Odabir postupaka zavisi od procjene revizora, uključujući i procjenu rizika materijalno značajnog pogrešnog prikaza finansijskih izvještaja, bilo kao posljedica prevare ili pogreške. U procjeni rizika revizor procjenjuje interne kontrole koje su relevantne za sastavljanje i objektivnu prezentaciju finansijskih izvještaja kako bi odredio revizijske postupke primjerene datim okolnostima, a ne kako bi izrazio mišljenje o učinkovitosti internih kontrola u Društvu. Revizija također uključuje ocjenjivanje primjerenosti primjenjenih računovodstvenih politika i značajnih procjena Uprave, kao i prikaz finansijskih izvještaja u cjelini.

Mostar, 27.03.2026. godine

Revizija-Auditing d.o.o. Mostar
Trg Ivana Krndelja 36, 88000 Mostar


Zoran Turković, ovlašteno lice




Zoran Turković, ovlašteni revizor

Nap.* Sadržaj

1 Opšti podaci

Odgovornost za finansijske izvještaje

Bilans stanja

Izvještaj o prihodima i rashodima

Napomene uz finansijske izvještaje*

2 Računovodstvene politike

2 Rizici vezani uz finansijske instrumente

Napomene uz bilans stanja*

3 Stalna sredstva

4 Finansijska imovina

5 Novac i novčani ekvivalenti

6 Potraživanja za plaćeni PDV

7 Finansijske obaveze

8 Odgođeni prihod

9 Obaveze za PDV

10 Ostale obaveze uključujući razgraničenja i rezerevisanja

Napomene uz izvještaj o prihodima i rashodima *

11 Prihodi od vlastite aktivnosti

12 Ostali prihodi i dobici

13 Troškovi materijala, energije i goriva

14 Troškovi plaća i ostalih ličnih primanja

15 Amortizacija

16 Troškovi primljenih usluga

17 Ostali rashodi i gubici

18 Potencijalne obaveze i potencijalna sredstva

19 Povezane stranke

20 Porezni aspekti

21 Ostalo

**Odgovornost za objavu Napomena uz finansijske izvještaje je na Upravi društva, dok je boldirani tekst u okviru Napomena stav revizora po određenim pitanjima.*

NAPOMENA 1 – OPŠTI PODACI

„AIS“ je Udruženje ASOCIJACIJA IZVOĐAČA I SVIRAČA , Bosna i Hercegovina

Asocijacija izvođača i stvaralaca „AIS“ upisan je u Registar udruženja kod Ministarstva pravde Bosne i Hercegovine Rješenjem broj UP08-07-1-1216/14 od dana 23.05.2014. godine. Skraćeni naziv Udruženja je: AIS.

Naziv Udruženja AIS na engleskom jeziku glasi: Association of Performers and Creators.

Upis je izvršen pod registarskim brojem 1592 Knjiga I Registra sa danom 23.05.2014. godine.

Rješenjem Ministarstva pravde Bosne i Hercegovine broj: UP08-07-1-1216/14 od dana 04.12.2014. godine, upisana je promjena naziva Udruženja, tako da novi puni naziv glasi: ASOCIJACIJA IZVOĐAČA I SVIRAČA „AIS“.

Promijenjen je i naziv Udruženja na engleskom jeziku, pa se upisuje novi naziv koji glasi: ASSOCIATION OF PERFORMERS AND MUSICIANS.

Rješenjem Ministarstva pravde Bosne i Hercegovine od dana 19.06.2015. godine mijenja se adresa sjedišta AIS-a, tako da se umjesto dosadašnje adrese Srpskih vladara broj 9, Istočno Sarajevo, upisuje sljedeća: Ulica Jošanička bb, Vogošća.

Rješenjem Ministarstva pravde Bosne i Hercegovine od dana 31.12.2024. godine mijenja se adresa sjedišta AIS-a, tako da se umjesto dosadašnje adrese Jošanička bb, Vogošća, upisuje sljedeća: Ulica Generala Mehmeda Alagića broj 6, sprat 3, Sarajevo.

Rješenjem Ministarstva pravde Bosne i Hercegovine od dana 19.08.2025. godine mijenja se direktor tako da prestaje ovlaštenje za zastupanje Udruženja u pravnom prometu Reufu Heriću, a Amer Husejinović postaje vršilac dužnosti direktora Stručne službe Udruženja. Ovim Rješenjem razrješava se i imenuje po jedan član Upravnog i Nadzornog odbora Udruženja.

Organi AIS-a su:

- Skupština;
- Upravni odbor;
- Nadzorni odbor.

Lica ovlaštena za zastupanje AIS-a su:

Amer Husejinović, vršilac dužnosti direktora Stručne službe Udruženja
Zejid Šoto, predsjednik Upravnog odbora AIS-a
Slaviša Guja, potpredsjednik Upravnog odbora AIS-a

Skupština je najviši organ AIS-a i čine je svi redovni članovi AIS-a, sa jednakim pravom glasa.

Predsjednik Skupštine je Miroslav Janjanin

Članovi Upravnog odbora su:

Do 19.08.2025. godine

- Zejid Šoto, predsjednik
- Slaviša Guja, podpredsjednik
- Slađana Mandić Ahmić, član
- Dino Šukalo, član
- Đani Pervan, član

Od 19.08.2025. godine

- Zejid Šoto, predsjednik
- Slaviša Guja, podpredsjednik
- Slađana Mandić Ahmić, član
- Dino Šukalo, član
- Senad Trumić, član

Članovi Nadzornog odbora:

Do 18.09.2025. godine

- Adel Avdagić, član
- Suad Jukić, član
- Zlatan Burzić, član

Od 18.09.2025. godine

- Adel Avdagić, član
- Suad Jukić, član
- Kenan Fejzić, član

Članove Nadzornog odbora bira Skupština Udruženja.

Nadzorni odbor kontrolira finansijsko poslovanje AIS-a i o svom radu izvještava Upravni odbor i Skupštinu Udruženja najmanje jedanput godišnje.

Direktor Stručne službe je Reuf Herić – do 16.06.2025

Vršilac dužnosti direktora Stručne službe je Amer Husejinović – od 18.09.2025

U 2020. godini usvojen je novi Statut AIS-a, a navedena izmjena je upisana Rješenjem Ministarstva pravde Bosne i Hercegovine broj: UP09-07-1-244/20 od dana 05.06.2020. godine.

U skladu sa Zakonom o kolektivnom ostvarivanju autorskog i srodnih prava, Institut za intelektualno vlasništvo Bosne i Hercegovine je dana 08.05.2015. godine donio Rješenje o izdavanju Dozvole za kolektivno ostvarivanje prava izvođača muzičkih djela broj: IP-03-47-5-02676/15VT. Navedenim Rješenjem potvrđeno je da AIS ispunjava sve uslove za davanje dozvole uključujući registraciju kod Ministarstva pravde BiH, usvojen Statut, podatke o licima za zastupanje, podatke o izvođačima (297), popis djela koja čine repertoar (3.835), usvojen Poslovni plan, te tehničke i kadrovske uslove itd.

Ciljevi i djelatnosti AIS-a, u skladu sa Statutom, su:

- Sklapanje ugovora o prenosu neisključivih prava korisnicima za korištenje izvođačkih djela iz repertoara Udruženja pod jednakim uslovima za iste vrste korisnika, za iste vrste djela i za iste načine korištenja;
- Sklapanje kolektivnih ugovora sa reprezentativnim udruženjima korisnika o uslovima za korištenje izvođačkih djela;
- Objavljivanje usaglašene tarife o visini naknada za korištenje izvođačkih djela i upoznavanje korisnika sa visinama tih naknada;
- Naplatu naknade za korištenje izvođačkih djela;
- Raspodjelu naplaćenih, odnosno primljenih naknada izvođačima prema unaprijed određenim pravilima o raspodjeli;
- Kontrolu nad korištenjem izvođačkih djela koja čine repertoar Udruženja;
- Pokretanje i vođenje postupka zaštite kod sudova i drugih državnih organa u slučaju povrede prava koja ostvaruje Udruženje;
- Sklapanje ugovora sa stranim kolektivnim organizacijama i njihovim udruženjima;
- Druge aktivnosti koje su povezane sa kolektivnim ostvarivanjem prava i koje mogu razumno predstavljati troškove poslovanja Udruženja (obrazovne i promotivne aktivnosti za podizanje svijesti o potrebi poštovanja izvođačkog prava, njegove zaštite i slično);
- U promotivne aktivnosti Udruženja treba uključiti sve radiostanice i televizije koje su registrirane u Regulatornoj agenciji za komunikacije Bosne i Hercegovine (RAK), zbog ravnopravnosti korisnika;
- Saradnja sa istim ili sličnim udruženjima, asocijacijama, pravnim licima, institucijama vlasti u zemlji i inostranstvu, u svrhu ostvarivanja djelatnosti Udruženja, u skladu sa Zakonom;
- Neposredno potiče zakonodavnu djelatnost glede cjelovite zaštite izvođača u Bosni i Hercegovini;
- Poduzima i druge mjere predviđene zakonom i drugim propisima radi zaštite i ostvarivanja cjelovite pravne zaštite izvođača;
- Izdavanje publikacija, u svrhu ostvarivanja djelatnosti Udruženja, u skladu sa zakonom.

Kolektivni ugovori

Institut za intelektualno vlasništvo Bosne i Hercegovine je dana 08.05.2015. godine donio Rješenje o izdavanju Dozvole za kolektivno ostvarivanje prava izvođača muzičkih djela broj: IP-03-47-5-02676/15VT.

Kolektivni ugovori iz ranijeg perioda (2015. - 2023.)

Dana 01.12.2015. godine u Službenom glasniku BiH broj 92, objavljen je Kolektivni ugovor o korištenju izvedbi muzičkih djela emitovanjem sa snimka izdatog na nosaču zvuka, broj UE 01-08-2015 potpisan 19.11.2015. godine. Ugovor je potpisan između AIS-a, kao Kolektivne organizacije, sa jedne strane i Udruženja privatnih elektronskih medija u BiH – PEM, Asocijacije elektronskih medija u BiH – AEM i Udruženja lokalnih radio stanica RS – URS, kao Korisnika, sa druge strane.

Ugovorne strane su dana 20.11.2018. godine zaključile Aneks broj 1 Kolektivnog ugovora o korištenju izvedbi muzičkih djela emitovanjem sa snimka izdatog na nosaču zvuka kojim se trajanje Ugovora produžava na period od tri godine.

Dana 04.07.2016. godine zaključen je Kolektivni ugovor sa Udruženjem distributera medijskih usluga (UDMU) koje okuplja i predstavlja interese većine korisnika iz djelatnosti kablovskih operatera ili distributera na teritoriji cjelokupne BiH i shodno tome predstavlja reprezentativno udruženje.

Ugovorne strane su dana 07.05.2018. godine zaključile Aneks1 Kolektivnog ugovora o korištenju izvođačkih prava na muzičkim djelima putem reemitovanja i činjenja dostupnim javnosti izvođenja sa snimaka na nosaču zvuka. Pomenutim Aneksom se promijenio procenat za obračune iznosa naknada sa dosadašnjih 0,75% na 0,675%, odnosno, ne manje od 0,75 KM po pretplatniku na godišnjem nivou.

29.12.2016. godine AIS je zaključio Kolektivni ugovor o utvrđivanju tarife za plaćanje naknade za javno saopštavanje izvedbi muzičkih djela od strane korisnika u oblasti ugostiteljstva koje predstavlja Udruženje hotelijera i restoratera u BiH (UHRBIH).

22.11.2017. godine AIS je zaključio Kolektivni ugovor sa društvom BH Telecom broj: 01-155-2017 za reemitovanje i činjenje dostupnim javnosti izvođenja muzičkih djela iz repertoara Udruženja, na period od tri godine.

22.11.2017. godine AIS je zaključio Kolektivni ugovor sa društvom Mtel a.d. Banja Luka broj: 01-156-2017 za reemitovanje i činjenje dostupnim javnosti izvođenja muzičkih djela iz repertoara Udruženja, na period od 3 godine.

29.04.2019. godine AIS je zaključio Kolektivni ugovor o korištenju izvedbi muzičkih djela emitovanjem sa snimaka izdatog na nosaču zvuka sa društvom Radiotelevizija Federacije Bosne i Hercegovine broj: 04-10-2019. Predmet ovog Kolektivnog ugovora su izvedbe muzičkih djela domaćih i stranih muzičkih izvođača, bez obzira na žanr kojem pripadaju, a koje čine zaštićeni repertoar AIS-a na teritoriji BiH i koji se koriste putem emitovanja sa snimaka.

29.04.2019. godine AIS je zaključio Kolektivni ugovor o korištenju izvedbi muzičkih djela emitovanjem sa snimaka izdatog na nosaču zvuka sa društvom Radiotelevizija Bosne i Hercegovine broj: 04-11-2019. Predmet ovog Kolektivnog ugovora su izvedbe muzičkih djela domaćih i stranih muzičkih izvođača, bez obzira na žanr kojem pripadaju, a koje čine zaštićeni repertoar AIS-a na teritoriji BiH i koji se koriste putem emitovanja sa snimaka.

22.11.2020. godine AIS je zaključio Kolektivni ugovor sa društvom BH Telecom broj: 01-36-2020 za reemitovanje i činjenje dostupnim javnosti izvođenja muzičkih djela iz repertoara Udruženja, na period od 01.12.2020. do 05.07.2022. godine.

22.11.2020. godine AIS je zaključio Kolektivni ugovor sa društvom Mtel a.d. Banja Luka broj: 01-37-2020 za reemitovanje i činjenje dostupnim javnosti izvođenja muzičkih djela iz repertoara Udruženja, na period od 30.12.2020. do 05.07.2022. godine.

30.04.2021. godine AIS je zaključio Kolektivni ugovor o korištenju izvedbi muzičkih djela emitovanjem sa snimaka izdatog na nosaču zvuka sa društvom Radiotelevizija Bosne i Hercegovine broj: 01-11-2021. Predmet ovog Kolektivnog ugovora su izvedbe muzičkih

djela domaćih i stranih muzičkih izvođača, bez obzira na žanr kojem pripadaju, a koje čine zaštićeni repertoar AIS-a na teritoriji BiH i koji se koriste putem emitovanja sa snimaka.

30.04.2021. godine AIS je zaključio Kolektivni ugovor o korištenju izvedbi muzičkih djela emitovanjem sa snimaka izdatog na nosaču zvuka sa društvom Radiotelevizija Federacije Bosne i Hercegovine broj: 01-12-2021. Predmet ovog Kolektivnog ugovora su izvedbe muzičkih djela domaćih i stranih muzičkih izvođača, bez obzira na žanr kojem pripadaju, a koje čine zaštićeni repertoar AIS-a na teritoriji BiH i koji se koriste putem emitovanja sa snimaka.

30.06.2021. godine AIS je zaključio Kolektivni ugovor o korištenju izvedbi muzičkih djela emitovanjem sa snimaka izdatog na nosaču zvuka sa društvom JP Radio – televizija Republike Srpske broj: 01-16-2021. Predmet ovog Kolektivnog ugovora su izvedbe muzičkih djela domaćih i stranih muzičkih izvođača, bez obzira na žanr kojem pripadaju, a koje čine zaštićeni repertoar AIS-a na teritoriji BiH i koji se koriste putem emitovanja sa snimaka.

19.01.2022. godine AIS je zaključio Kolektivni ugovor o korištenju izvedbi muzičkih djela emitovanjem sa snimka izdatog na nosaču zvuka sa Udruženjem privatnih elektronskih medija u BiH – PEM i sa Asocijacijom elektronskih medija u BiH - AEM (reprezentativno udruženje) broj: 01-05-2022. Predmet ovog Kolektivnog ugovora su izvedbe muzičkih djela domaćih i stranih muzičkih izvođača, bez obzira na žanr kojem pripadaju, a koje čine zaštićeni repertoar AIS-a na teritoriji BiH i koje se emituju sa snimka. Ovaj Kolektivni ugovor primjenjuje se za period od 21.11.2021. do 20.11.2024. godine, odnosno isti se nadovezuje na period važenja prethodnog Kolektivnog Ugovora i pratećeg Aneksa.

13.12.2022. godine AIS je zaključio Kolektivni ugovor o korištenju izvođačkih prava na muzičkim djelima putem reemitovanja i činjenja dostupnim javnosti izvođenja sa snimaka na nosaču zvuka sa Asocijacijom kabel operatera i distributera mrežnih usluga u Bosni i Hercegovini „AKOP BiH“ (reprezentativno udruženje) broj: 01-198-2022. Predmet ovog Kolektivnog ugovora su izvedbe muzičkih djela domaćih i stranih muzičkih izvođača, bez obzira na žanr kojem pripadaju, a koje čine zaštićeni repertoar AIS-a na teritoriji BiH i koje se saopštavaju javnosti reemitovanjem i putem činjenja dostupnim javnosti sa snimaka. Ovaj Kolektivni ugovor primjenjuje se za period od 05.07.2022. do 04.07.2025. godine.

Kolektivnim ugovorima uređuje se:

- Tarifa, osnovica za obračun i način primjene tarife;
- Uslovi za korištenje izvedbi muzičkih djela iz repertoara Udruženja AIS putem emitovanja sa snimka;
- Okolnosti korištenja zbog kojih se visina određene naknade prema tarifi uvećava, smanjuje ili oprašta;
- Rok i način naplate naknade za korištenje izvedbi muzičkih djela putem emitovanja sa snimka.

Predmet ovih Kolektivnih ugovora su izvedbe muzičkih djela domaćih i stranih muzičkih izvođača, bez obzira na žanr kojem pripadaju, a čine zaštićeni repertoar Udruženja AIS na teritoriji Bosne i Hercegovine i koja se emituje sa snimka.

Prema Ugovoru, Kolektivna organizacija (AIS) je dužna sa svakim Korisnikom zaključiti ugovor o neisključivom prenosu prava, bez diskriminacije.

Tarife i naplata

Elektronski mediji

Kod Udruženja privatnih elektronskih medija u BiH (PEM), Asocijacije elektronskih medija u BiH (AEM), Udruženja lokalnih radio stanica RS (URS), osnov za određivanje primjerene tarife je neto prihod Korisnika ostvaren od sponzorstva muzičkih emisija (PSME) i od redovnog oglašavanja u marketing prostoru Korisnika (PROM).

U svrhu utvrđivanja osnova za obračun naknade, Korisnik je dužan dostaviti Kolektivnoj organizaciji podatke o neto prihodima sa razdvojenim osnovama za sticanje, godišnji finansijski izvještaj u segmentu sponzorstva i redovnog oglašavanja za prethodnu poslovnu godinu i popunjen formular koji pokazuje prihode koji ne spadaju u neto prihod Korisnika.

Tarifni procenti za Korisnike iz oblasti elektronskih medija iznose:

- 0,80% za Korisnike koji emituju radio program;
- 0,60% za Korisnike koji emituju RTV program;
- 0,40% za Korisnike koji emituju TV program.

Korisnici koji emituju izvedbe muzičkih djela sa snimka izdatog na nosaču zvuka iz repertoara Kolektivne organizacije dužni su da zaključe Pojedinačne ugovore sa Kolektivnom organizacijom u skladu sa ovim Kolektivnim ugovorom.

Korisnicima koji su Pojedinačni ugovor sa Kolektivnom organizacijom zaključili do 01.02.2016. godine, vršio se oprost dugovanja prema Kolektivnoj organizaciji na ime naknade za emitovanje izvedbi muzičkih djela sa snimka u periodu od dana izdavanja dozvole Kolektivnoj organizaciji za obavljanje djelatnosti kolektivnog ostvarivanja izvođačkih prava na muzičkim djelima (08.05.2015. godine) do momenta zaključenja Pojedinačnog ugovora. Za korisnike koji Pojedinačni ugovor zaključe nakon tog datuma, vrši se obračun od dana 08.05.2015. godine.

Udruženje distributera medijskih usluga „UDMU“

Osnov za utvrđivanje tarife kod Udruženja distributera medijskih usluga (kablovski operateri) uzima se u obzir ukupan bruto prihod Korisnika (UBP) ostvaren po osnovu reemitovanja i putem činjenja dostupnim javnosti izvedbi muzičkih djela sadržanih u televizijskim i radijskim programima sa snimka koji je umanjen za 40% na ime troškova kablovskog operatera za održavanje kablovsko – komunikacijskog sistema. Procenat koji se obračunava na osnovicu definisan je ugovorima sa pojedinim korisnicima po 0,675% (do 07.05.2018. godine 0,75%), odnosno, ne manje od 0,75 KM po pretplatniku na godišnjem nivou. Korisnik je dužan dostaviti Kolektivnoj organizaciji podatke o bruto prihodima sa razdvojenim osnovama za sticanje, godišnji finansijski izvještaj u segmentu sponzorstva i redovnog oglašavanja za prethodnu poslovnu godinu i popunjen formular koji pokazuje prihode koji ne spadaju u bruto prihod Korisnika (UBP).

Udruženje hotelijera i restoratera BiH „UHRBIH“

Za Udruženje hotelijera i restoratera u BiH naknada se računa mjesečno za svaki mjesec rada ugostiteljskog objekta u paušalnom iznosu bez obzira na popunjenost objekta. Ugovorom su definisane zone u kojima se objekat nalazi (koje su podijeljene u zone A, B,

C i D) kao i kapacitet (broj soba kod hotela, broj sjedećih mjesta u ugostiteljskim objektima) i to služi kao osnov za obračun mjesečne paušalne naknade.

Trgovački centri i trgovački lanci

Obračun naknade za trgovačke centre i trgovačke lance vrši se na osnovu kvadratne površine poslovnog prostora u kojem se obavlja trgovina i/ili pružaju trgovinske usluge, na mjesečnoj ili godišnjoj osnovi. Obzirom da za trgovačke centre i trgovačke lance ne postoje reprezentativna udruženja, u skladu sa zakonom potpisuju se pojedinačni ugovori po ispregovaranoj tarifi sa svakim korisnikom iz te djelatnosti, vodeći računa o tome da se ne desi diskriminacija vezana za uslove i tarifu (ukoliko postoji takva mogućnost).

Tarife za trgovačke centre i trgovačke lance i druge poslovne prostore obračunavaju se na sljedeći način:

Tarifa za trgovačke lance i druge poslovne prostore:

Vrijednost boda: 0,042 KM bez PDV-a.

Površina prostora (m ²):	Broj bodova:
Do 50 m ²	50
Od 51 do 100 m ²	75
Od 101 do 200 m ²	100
Od 201 do 300 m ²	150
Od 301 do 400 m ²	200
Od 401 do 800 m ²	300
Od 801 do 1.500 m ²	500
Na svakih dodatnih 400 m ²	Po 100

Tarifa za trgovačke (tržne centre):

Vrijednost boda: 0,042 KM bez PDV-a.

Iznos naknade za saopštavanje javnosti izvedbi muzičkih djela sa snimka ili izvedbi muzičkih djela koja se emituju sa snimka u velikim trgovinskim prostorima zavisi od kvadratne površine velikog trgovinskog prostora, koji koriste kupci, odnosno korisnici usluga i obračunava se mjesečno na sljedeći način: 1 bod po m².

10.05.2023. godine AIS je zaključio Kolektivni ugovor o utvrđivanju tarife za plaćanje naknade za javno saopštavanje izvedbi muzičkih dijela od starne korisnika u oblasti ugostiteljstva sa Udruženjem hotelijera i restoratera BiH „UHRBIH“.

Ovaj kolektivni Ugovor je osnova za zaključivanje pojedinačnih ugovora sa svakim pojedinim fizičkim ili pravnim licem koje obavlja djelatnost ugostiteljstva u Bosni i Hercegovini.

Kolektivnim ugovorima uređuje se:

- Tarifa, osnovica za obračun i način primjene tarife

- Uslovi korištenja izvedbi muzičkih dijela sa snimka iz repertoara kolektivne organizacije
- Rok i način naplate naknade
- Okolnosti korištenja zbog kojih se visina određene naknade prema tarifi uvećava, smanjuje ili oprašta
- Vrijeme na koje je kolektivni ugovor zaključen
- Razlozi za prijevremeni raskid kolektivnog ugovora o objavljivanja raskida
- Rješenje eventualnih sporova
- Objavljivanje i obavještanje o važećoj tarifi

Traifa se utvrđuje prema mjestu i vremenu saopštavanja javnosti izvedbi muzičkih dijela sa snimka.

Mjesta u kojima fizička ili pravna lica obavljaju djelatnosti ugostiteljstva, da bi se izbjegla njihova nelojalna konkurencija i onemogućila diskriminacija bilo kojeg ugostitelja, mjesta su razvrstana u zone A, B, C i D.

Ovaj kolektivni ugovor se zaključuje za period od 3 godine, s tim da se rok počinje računati sa datumom njihovog zaključenja, s tim da se za period od 29.12.2022.godine do zaključenja ovog ugovora primjenjuju uslovi iz predhodnog Kolektivnog Ugovora.

Kolektivni ugovori iz 2024. godine

Aneksom broj 1 Kolektivnog ugovora o korištenju izvedbi muzičkih dijela emitovanjem sa snimka izdatog na nosaču zvuka br.UE 01-05-2022 od 20.11.2024. godine donosi se

Član 1 aneksa – u skladu sa Članom 23. stav 1 Kolektivnog ugovora broj UE 01-05-2022 od 19.01.2022.godine, trajanje tog ugovora se produžava na period od 3 (tri) godine, te će važiti od 21.11.2024 do 20.11.2027. godine

Član 2 aneksa – u Članu 11. tačka (2) briše se dio 2021, 2022 i 2023, a umjesto toga se dodaje 2024, 2025 i 2026

Član 2 aneksa - u Članu 15. tačka (2) dodaje se stav 2 koji glasi: „Korisnik i Kolektivna organizacija mogu dogovoriti da se račun iz stava (1) Korisniku ispostavlja jednom godišnje za tekuću godinu, naročito ako je riječ o malom iznosu godišnje naknade“.

Član 2 aneksa - u Članu 15. tačka (8) briše se dio „Transakcijski račun 3387202254275832 koji se vodi kod UniCredit Bank, a umjesto toga se dodaje „Transakcijski račun i naziv banke navedeni na fakturi / memorandumu KOLEKTIVNE ORGANIZACIJE“.

Kolektivni ugovori iz 2025.godine

Tokom 2025. godine zaključeni su Kolektivni ugovori i to:
Dana 01.07.2025. godine AIS je zaključio Kolektivni ugovor o korištenju izvođačkih prava na muzičkim djelima putem emitovanja izvođenja sa snimka na nosaču zvuka sa društvom Radiotelevizija Bosne i Hercegovine, broj: 01-114/25

Dana 01.07.2025. godine AIS je zaključio Kolektivni ugovor o korištenju izvođačkih prava na muzičkim djelima putem emitovanja izvođenja sa snimka na nosaču zvuka sa društvom JP Radio – Televizija Republike Srpske broj: 01-112/25.

Dana 07.07.2025. godine AIS je zaključio Kolektivni ugovor o korištenju izvođačkih prava na muzičkim djelima putem emitovanja izvođenja sa snimka na nosaču zvuka sa društvom sa društvom Radio - Televizija Federacije Bosne i Hercegovine, broj: 01-113/25.

Dana 14.10.2025. godine AIS je zaključio Aneks broj 1. Kolektivnog ugovora o korištenju izvođačkih prava na muzičkim djelima putem reemitovanja i činjenja dostupnim javnosti izvođenja sa snimka na nosaču zvuka sa Asocijacijom kabel operatera i distributera mrežnih usluga u Bosni i Hercegovini „AKOP BiH“ (reprezentativno udruženje).

Tokom 2025. godine nije bilo izmjena i promjena, a svi Kolektivni ugovori traju tri godine od dana zaključenja.

Sjedište AIS-a

Asocijacija izvođača i svirača „AIS“ je registrovan na adresi:
Generala Mehmeda Alagića 6
Sarajevo
Bosna i Hercegovina

ODGOVORNOST ZA FINANSIJSKE IZVJEŠTAJE

U skladu sa Zakonu o računovodstvu i reviziji F BiH ("Službene novine F BiH", br. 15/21), za knjigovodstvo i računovodstvo pravne osobe odgovoran je njegov direktor. Uprava je dužna pobrinuti se da za svaku finansijsku godinu budu sastavljeni finansijski izvještaji sukladno Međunarodnim standardima finansijskog izvještavanja (MSFI) koje je objavio Odbor za međunarodne računovodstvene standarde, koji pružaju istinit i fer pregled stanja u Društvu, kao i njegove rezultate poslovanja za navedeno razdoblje.


Nakon provedbe odgovarajućeg istraživanja, Uprava opravdano očekuje da će Društvo u dogledno vrijeme raspolagati odgovarajućim resursima, te stoga i dalje usvaja načelo vremenske neograničenosti poslovanja pri sastavljanju finansijskih izvještaja.

Odgovornosti Uprave pri izradi finansijskih izvještaja obuhvaćaju sljedeće:

- odabir i dosljednu primjenu odgovarajućih računovodstvenih politika,
- davanje opravdanih i razboritih prosudbi i procjena,
- postupanje sukladno važećim računovodstvenim standardima, uz objavu i obrazloženje svih materijalno značajnih odstupanja u finansijskim izvještajima, i
- sastavljanje finansijskih izvještaja pod pretpostavkom vremenske neograničenosti poslovanja, osim ako pretpostavka da će Društvo nastaviti poslovanje nije primjerena.

Uprava je odgovorna za vođenje odgovarajućih računovodstvenih evidencija, koje u svakom trenutku s opravdanom tačnošću prikazuju finansijski položaj Društva. Također, Uprava je dužna pobrinuti se da finansijski izvještaji budu u skladu sa Zakonom o računovodstvu i reviziji F BiH. Pored toga, Uprava je odgovorna za čuvanje imovine Društva, te za poduzimanje opravdanih koraka za sprječavanje i otkrivanje prijevare i drugih nepravilnosti.

Za iu ime Društva:


Amer Husejnović, v.d. direktor
Udruženje Asocijacija izvođača i svirača

BILANS STANJA

(svi iznosi su iskazani u KM)

	Nap.*	Period završen 31. Dec. 2025	Period završen 31. Dec. 2024
SREDSTVA			
Dugoročna imovina			
Nekretnine, postrojenja i oprema	3	5.720	8.544
		5.720	8.544
Kratkoročna imovina			
Finansijska imovina	4	880.224	619.765
Novac i novčani ekvivalenti	5	1.652.416	1.577.675
Potraživanja za plaćeni PDV	6	5.187	5.187
		2.537.827	2.202.627
AKTIVA UKUPNO		2.543.547	2.211.171
Kratkoročne obaveze			
Finansijske obaveze	7	29.705	16.770
Odgođeni prihod	8	21.516	21.516
Obaveze za PDV	9	78.630	27.614
Ostale obaveze uključujući razgraničenja i rezervisanja	10	2.413.696	2.145.271
		2.543.547	2.211.171
PASIVA UKUPNO		2.543.547	2.211.171



Amer Husejinović, v.d. direktor

*Napomene u prilogu su sastavni dio ovih izvještaja.

IZVJEŠTAJ O PRIHODIMA I RASHODIMA

(svi iznosi su iskazani u KM)

	Nap.*	Period završen 31. Dec. 2025	Period završen 31. Dec. 2024
Prihodi od vlastite aktivnosti	11	1.306.457	1.282.988
Ostali prihodi i gubici	12	65.564	1.499
Ukupno prihodi		1.372.021	1.284.487
Troškovi materijala, energije i goriva	13	3.195	3.615
Troškovi plaća i ostalih ličnih primanja	14	267.145	297.145
Amortizacija	15	3.246	3.351
Troškovi primljenih usluga	16	183.666	132.160
Ostali rashodi i gubici	17	914.769	848.216
Ukupno rashodi		1.372.021	1.284.487
Višak prihoda nad rashodima		-	-
Višak rashoda nad prihodima		-	-



Amer Husejnović, v.d. direktor

*Napomene u prilogu su sastavni dio ovih izvještaja.

NAPOMENA 2 - OSNOVNE RAČUNOVODSTVENE POLITIKE I RIZICI VEZANI ZA FINANSIJSKE INSTRUMENTE

Period prezentacije

Ukupan revidirani period je 12 mjeseci.

Revizija obuhvata godišnji period od 1. januara 2025. godine do 31. decembra 2025. godine.

Osnov za prezentaciju finansijskih izvještaja

Obzirom da su u F BiH, shodno odredbama Zakona o računovodstvu i reviziji u FBiH, srednja, mala i mikro preduzeća mogu primjenjivati Međunarodne standarde finansijskog izvještavanja za mala i srednja preduzeća /MSFI za MSP/, koji su na snazi i primjenjivi u F BiH, naše udruženje pripremu, računovodstveni tretman i izvještavanje temelji na pomenutim računovodstvenim standardima.

AIS kao neprofitna organizacija dužna je voditi knjigovodstvo u skladu sa odredbama Zakona o računovodstvu i reviziji FBiH („Službene Novine FBiH“ 15/21) i Kontnim planom za udruženja.

Finansijski izvještaji AIS-a sačinjeni su po načelu historijskog troška.

Finansijski izvještaji su pripremljeni pod pretpostavkom vremenske neograničenosti poslovanja što podrazumijeva da će AIS biti sposoban izmirivati svoje obaveze u normalnom toku poslovanja.

Nastavak poslovanja AIS-a pod pretpostavkom vremenske neograničenosti ovisi o sposobnosti AIS-a da obezbijedi dovoljan tok novčanih sredstava kako bi blagovremeno izmirila obaveze i obezbijedila izvore finansiranja. Kako bi se to postiglo, Uprava AIS-a ulaže napore kako bi obezbijedila sredstva za ostvarenje svojih ciljeva i unaprijedila finansijski položaj AIS-a.

Finansijski izvještaji predstavljeni su u konvertibilnim markama.

Priznavanje prihoda

Prihod je povećanje ekonomskih koristi tokom obračunskog razdoblja u obliku priliva ili poboljšanja imovine, odnosno smanjenja obaveza kojima dolazi do povećanja kapitala i ne odnose se na uplate vlasnika kapitala u kapital niti njihove uloge u kapital.

Priznavanje prihoda se vrši prema računovodstvenom načelu nastanka događaja.

Računovodstveno načelo nastanka događaja znači da se:

- recipročni prihodi (prihodi na temelju isporučenih dobara i usluga) priznaju u izvještajnom razdoblju na koje se odnose pod uvjetom da se mogu izmjeriti neovisno o naplati,

- neregipročni prihodi (donacije, članarine, pomoći, doprinosi i ostali slični prihodi) priznaju u izvještajnom razdoblju na koje se odnose pod uvjetom da su raspoloživi (naplaćeni) najkasnije do trenutka predavanja finansijskih izvještaja za isto razdoblje,
- donacije povezane s izvršenjem ugovorenih programa (projekata i aktivnosti) priznaju se u bilansu kao odgođeni prihod uz priznavanje u prihode izvještajnog razdoblja razmjerno troškovima provedbe ugovorenih programa (projekata i aktivnosti),
- donacije povezane s nefinansijskom imovinom koja se amortizira priznaju se u bilansu kao odgođeni prihod uz priznavanje u prihode izvještajnog razdoblja na sistemskoj osnovi razmjerno troškovima upotrebe nefinansijske imovine u razdoblju korištenja.

Prihodi se klasificiraju na:

- Prihodi od prodaje roba i pružanja usluga,
- Prihodi od članarina i članskih doprinosa,
- Prihodi po posebnim propisima,
- Prihodi od imovine,
- Prihodi od donacija i
- Ostali prihodi.

Prihodi od prodaje roba/pružanja usluga obuhvataju prihode koje neprofitne organizacije ostvare od kupaca prodajom roba i/ili pružanjem usluga.

Prihodi od članarina i članskih doprinosa obuhvaćaju prihode koji se ostvaruju od obaveznih kontinuiranih uplata članova neprofitne organizacije.

Prihodi po posebnim propisima obuhvaćaju prihode po posebnim propisima iz budžeta i iz ostalih izvora. Prihodi po posebnim propisima iz budžeta jesu prihodi koje neprofitne organizacije ostvaruju u skladu sa zakonima i drugim propisima iz državnog budžeta i budžeta jedinica lokalne i područne (regionalne) samouprave. Prihodi po posebnim propisima iz ostalih izvora jesu prihodi koje neprofitne organizacije ostvaruju u skladu sa zakonima i drugim propisima od pravnih i/ili fizičkih osoba.

Prihodi posebnim propisima koje AIS iskazuje odnose se na naknade za izvođačka prava koji se prikupljaju od strane korisnika prava, a isplaćuju se izvođačima (isplata se iskazuje kao ostali rashod).

Prihodi od imovine, obuhvaćaju prihode od finansijske i prihode od nefinansijske imovine. Prihodi od finansijske imovine jesu: kamate (za date kredite i zajmove, pa vrijednosnim papirima, na oročena sredstva i depozite po viđenju, zatezne kamate), pozitivne kursne razlike, dividende, dobit trgovačkih društava, banaka i ostalih finansijskih institucija. Prihodi od nefinansijske imovine jesu: prihodi od zakupa i iznajmljivanja imovine te ostali prihodi od nefinansijske imovine.

Kursna razlika nastaje kada dođe do promjene u valutnom kursu između datuma transakcije i datuma podmirenja stavki proizašlih iz transakcije. Kursna razlika je i razlika nastala zbog primjene valutne klauzule. Pozitivna kursna razlika evidentira se kao prihod.

Prihodi od donacija obuhvataju novac i drugu imovinu koju bez obaveze vraćanja neprofitne organizacije dobiju iz državnog budžeta, budžeta jedinica lokalne i područne

(regionalne) samouprave, od inostranih vlada i međunarodnih institucija, od trgovačkih društava i drugih pravnih osoba i fizičkih lica.

Ostali prihodi sadrže prihode od naknade šteta i refundacija, te prihode od prodaje dugotrajne nematerijalne i materijalne imovine. Unutar ovih prihoda evidentira se otpis obaveza i naplaćena otpisana potraživanja, te prodaja dugotrajne nematerijalne i materijalne imovine.

Priznavanje rashoda

Rashodi su umanjena ekonomskih koristi ili uslužnog potencijala u obliku smanjenja imovine ili povećanja obaveza bez istodobnog povećanja finansijske imovine.

Rashodi se priznaju po historijskom trošku u periodu u kojem su nastali.

Prema ovom načelu svi rashodi se priznaju, knjiže i iskazuju u finansijskim izvještajima u onom obračunskom periodu u kom su i nastali, odnosno u periodu u kojem je nastala obaveza.

Rashodi se priznaju uz primjenu računovodstvenog načela nastanka događaja.

Računovodstveno načelo nastanka događaja znači da se:

- rashodi priznaju u izvještajnom periodu na koje se odnose neovisno o plaćanju,
- rashodi za utrošak kratkotrajne nefinansijske imovine priznaju se u trenutku stvarnog utroška odnosno prodaje
- troškovi nabavke dugotrajne imovine kapitaliziraju, a u rashode priznaju tokom korisnog vijeka upotrebe.

Rashodi se klasificiraju na sljedeće skupine računa:

- rashodi za zaposlenike,
- materijalni rashodi,
- rashodi amortizacije,
- finansijski rashodi,
- donacije i
- ostali rashodi.

Naknade zaposlenicima

Rashodi za zaposlenike sadrže plaće (u bruto iznosu) i ostale rashode za radnike: bonus za uspješan rad, nagrade (jubilarne nagrade, prigodne godišnje nagrade, posebne nagrade i slično), darove (radnicima, djeci radnika i slično), otpremnine, naknade za bolest (za bolovanje do 42 dana), invalidnost i smrtni slučaj te doprinose na plaće.

Plaće su naknade koje poslodavac isplaćuje zaposlenicima za obavljeni rad. Plaće za redovan rad obuhvaćaju plaće te naknade plaća: za bolovanja, godišnji odmor i plaćene izostanke i ostale naknade plaća (njega djeteta, vojna vježba i slično).

Plaće u naturi jesu dobra i usluge određene novčane vrijednosti koje neprofitne organizacije daju radnicima za obavljeni rad, a oni ih koriste u slobodno vrijeme i za zadovoljavanje vlastitih potreba.

Naknade troškova radnicima uključuju rashode za službena putovanja, rashode za prevoz, rad na terenu i odvojeni život te rashode za stručno usavršavanje radnika.

Naknade ostalim osobama izvan radnog odnosa uključuju naknade za rad i davanja uz naknade za rad (porezi, doprinosi i sl.), naknade za službena putovanja te ostale naknade.

AIS u normalnom toku poslovanja plaća državnim fondovima, u ime zaposlenih penziono i zdravstveno osiguranje, poreze i doprinose na i iz plate koji se obračunavaju u skladu sa zakonom. Ovi troškovi terete bilans uspjeha u istom periodu na koji se odnose plate.

Materijalni rashodi obuhvaćaju troškove korištenja usluga i dobara potrebnih za redovno funkcionisanje i obavljanje djelatnosti.

Tekuće i investicijsko održavanje podrazumijeva kontinuirane aktivnosti kojima se imovina održava ili vraća u funkcionalno stanje, kao što su: servisiranje uređaja i opreme, uređenje unutrašnjih i vanjskih zidova, popravci i zamjena dotrajalih dijelova, periodični remont postrojenja i opreme i slično.

Rashodi amortizacije obuhvaćaju trošak nabavke dugotrajne imovine koja se amortizira u vijeku upotrebe prema propisanim stopama amortizacije. Amortizacija se počinje obračunavati od prvog idućeg mjeseca nakon mjeseca u kojem je imovina predana u upotrebu.

Finansijski rashodi obuhvaćaju rashode za kamate – za izdane vrijednosne papire i za primljene kredite i zajmove, rashode za bankarske usluge i usluge platnog prometa, negativne kursne razlike i efekte primjene valutne klauzule, zatezne kamate te ostale nespomenute finansijske rashode.

Kursna razlika nastaje kada dođe do promjene u valutnom kursu između datuma transakcije i datuma podmirenja stavki proizašlih iz transakcije. Kursna razlika je i razlika nastala zbog primjene valutne klauzule. Negativna kursna razlika evidentira se kao rashod.

Zatezne kamate se iskazuju odvojeno od vrijednosti transakcija temeljem kojih su nastale.

Donacije sadrže tekuće i kapitalne donacije razvrstane prema primateljima. Donacije su tekući i/ili kapitalni prenos sredstava inostranim vladama i međunarodnim organizacijama, jedinicama lokalne i područne (regionalne) samouprave, građanima i kućanstvima, poduzetnicima te ostalim krajnjim korisnicima. Tekuće donacije uključuju i prenos u naturi kao što su hrana, odjeća, pokrivači, lijekovi koje neprofitna organizacije može davati krajnjim korisnicima.

Ostali rashodi sadrže kazne, penale i naknade štete, neotpisanu vrijednost i druge rashode otuđene i rashodovane dugotrajne imovine, otpisana potraživanja, rashode za ostala porezna davanja te ostale nespomenute rashode.

Ostali rashodi koje AIS iskazuje odnose se na isplate naknada za izvođačka prava koja se prikupljaju od strane korisnika prava, a isplaćuju se izvođačima. Visinu spomenute naknade mora potvrditi Skupština AIS-a. Prikupljena naknada se iskazuje kao prihod po posebnim propisima.

Isplate izvođačkih naknada vrše se u skladu Statutom AIS-a i Godišnjim planom raspodjele ubranih naknada za 2024. godinu, prema kojem je AIS dužan da svojim članovima vrši raspodjelu ostvarenog prihoda, osim sredstava određenih za pokriće troškova zaštite (troškova ubiranja, obrade podataka i raspodjele izvođačkih naknada), te troškova poslovanja AIS-a i sredstava određenih za Fond za socijalne i kulturne namjene AIS-a (do 10% prihoda ostvarenih u skladu sa Zakonom o kolektivnom ostvarivanju autorskog i srodnih prava, Statutom i internim aktima AIS-a).

Utvrđivanje rezultata

Na kraju izvještajnog perioda rezultat se utvrđuje tako što se za ukupan iznos rashoda odobravaju računi rasporeda rashoda i zadužuju računi obračuna prihoda i rashoda.

Za ukupnu svotu prihoda zadužuju se računi rasporeda prihoda i odobravaju računi obračuna prihoda i rashoda. Ako je potražna strana na računu obračuna prihoda i rashoda veća od dugovne za utvrđenu razliku zadužuje se račun obračuna prihoda i rashoda poslovanja i odobrava odgovarajući račun viška prihoda. Ako je dugovna strana na računu obračuna prihoda i rashoda veća od potražne za utvrđenu razliku odobrava se račun obračuna prihoda i rashoda i zadužuje račun manjka prihoda. Saldo na kraju godine utvrđuje se prebijanjem računa viška i manjka.

Materijalna sredstva

Materijalna sredstva se vrednuju po historijskom trošku ili nadoknadivom iznosu, zavisno šta je niže. Trošak uključuje cijenu dobavljača i sve troškove do momenta stavljanja sredstava u upotrebu.

Amortizacija stalnih sredstava se obračunava upotrebom proporcionalne metode kojom se njihov trošak otpisuje tokom njihovog procijenjenog korisnog vijeka trajanja.

Korištene stope amortizacije su:

	Stopa amortizacije
• Oprema	15% - 33,33%

Sačinjene su inventurne liste na dan 31. decembra 2024. godine. Popisne liste su tačne i kompletne.

Zalihe

U skladu sa MRS 2, zalihe se vode po trošku ili neto prodajnoj cijeni zavisno šta je niže. Zalihe sirovina i materijala, rezervnih dijelova i sitnog inventara iskazuju se po troškovima nabavke koji obuhvataju fakturnu cijenu i zavisne troškove nabavke.

Sitan inventar čine stvari koje imaju vijek trajanja kraći od jedne godine i stvari čija je pojedinačna vrijednost manja od KM 1.000,00.

Alat i sitan inventar se otpisuju 100% prilikom stavljanja u upotrebu, a isknjižavanje iz knjigovodstvene evidencije se vrši u momentu rashodovanja.

Potraživanja

Potraživanja se iskazuju po fakturisanom iznosu umanjeno za ispravku sumnjivih i spornih potraživanja.

Potraživanja od kupaca, države i državnih institucija, zaposlenih i drugih pravnih i fizičkih lica iskazuju se u poslovnim knjigama i finansijskim izvještajima na temelju uredne isprave o nastanku poslovnog događaja i podatka o njegovoj vrijednosti.

Usklađivanja potraživanja obavljaju se u slučajevima kada potraživanje nije naplativo.

Gotovina i ekvivalenti gotovine

Gotovina i ekvivalenti gotovine iskazuju se u bilansu stanja u nominalnom iznosu. Za potrebe izrade izvještaja o novčanom toku, novac i novčani ekvivalenti obuhvataju gotovinu i stanja na računima kod banaka i u blagajni.

Rezervisanje

Rezervisanja se priznaju ako postoji sadašnja pravna ili izvedena obaveza kao posljedica događaja prošlog razdoblja i ako je vjerovatno da će biti potreban odliv sredstava, te ako se može pouzdano procijeniti iznos obaveze.

Porezi

AIS je neprofitna organizacija i nije obveznik poreza na dobit s obzirom da se finansira iz sredstava drugih pravnih lica. Prema važećim zakonskim propisima udruženja i fondacije nisu obveznici obračuna i plaćanja poreza na dobit.

Strane valute

Transakcije u stranim valutama se preračunavaju u funkcionalnu valutu po važećem kursu na datum transakcija.

Novčana sredstva i obaveze izražene u stranoj valuti na dan izvještaja o finansijskom položaju pretvaraju se u funkcionalnu valutu primjenom važećeg kursa na taj datum.

Pozitivne i negativne kursne razlike koje nastanu podmirenjem tih transakcija i pretvaranjem novčanih sredstava i obaveza izraženim u devizama priznaju se u bilansu uspjeha.

Na dan 31. decembra 2025. godine odnos EUR-a i konvertibilne marke je fiksiran ('valutni odbor') i iznosi: EUR 1 = KM 1,95583.

RIZICI VEZANI UZ FINANSIJSKE INSTRUMENTE

Tokom svog poslovanja Društvo je izloženo različitim finansijskim rizicima kao što su: tržišni rizik (valutni rizik), kreditni rizik, rizik likvidnosti i kamatni rizik. Pristup Društva u upravljanju rizicima je usmjeren na procjenu nepredvidljivosti finansijskog tržišta i iznalaženju načina za pravovremeno minimiziranje mogućih negativnih efekata na finansijske performanse Društva.

Valutni rizik

Društvo ne ulazi u značajne međunarodne transakcije i zbog toga nije izložena tržišnom riziku koji se odnosi na fluktuaciju kursa stranih valuta.

Kreditni rizik

Društvo nije značajno izložena kreditnom riziku.

Fer vrijednost

Knjigovodstveni iznosi gotovine i ekvivalenata gotovine, potraživanja i obaveza, korigovana za bilo kakvo umanjeње, su približno jednaki njihovim fer vrijednostima.

- Rezervisanja

Rezervisanje se priznaje ako, i samo ako, Društvo ima sadašnju obavezu (pravnu ili druge) nastalu kao rezultat prošlog događaja i vjerojatno je da će za podmirivanje te obaveze biti potreban odliv ekonomskih resursa, te ako je moguće realno procijeniti iznos obaveze. Iznos priznat kao rezervisanje je najbolja procjena izdataka potrebnih za podmirivanje sadašnje obaveze na datum bilansa, uzimajući u obzir rizike i neizvjesnosti u vezi te obaveze. Kada se rezervisanje mjeri na temelju procijenjenih novčanih tokova , iznos rezervisanja je sadašnja vrijednost očekivanih izdataka potrebnih za izmirenje obaveze. U slučaju diskontiranja , povećanje u rezervisanjima koje odražava protok vremena priznaje se kao trošak kamata.

Ako se očekuje da će neke ili sve izdatke potrebne za izmirenje rezervisanja nadoknaditi treća strana ,potraživanje se priznaje kao imovina samo kada je doista izvjesno da će naknada biti primljena te da se iznos naknade može pouzdano izmjeriti.

- Potencijalna imovina i obaveze

Potencijalne obaveze kao i potencijalna imovina nisu priznate u finansijskim izvještajima. Potencijalne obaveze se objavljuju u bilješkama osim ukoliko odljev ekonomskih koristi nije vjerojatan.

- Događaji nakon datuma bilansa

Događaji nakon datuma bilansa koji daju dodatne informacije o finansijskom položaju Društva na datum bilansa (događaji koji zahtijevaju usklađivanje) reflektirani su u finansijskim izvještajima. Događaji nakon datuma bilansa koji se ne smatraju događajima koji zahtijevaju usklađivanje objavljuju se u bilješkama kada su značajni.

- **Usporedne informacije**

Tamo gdje je potrebno, usporedni podaci se reklasifikuju kako bi se postigla dosljednost u prikazivanju podataka s podacima tekuće finansijske godine i ostalim podacima.

- **Ključni izvori procjene neizvjesnosti**

Ključne pretpostavke vezane za budućnost i ostale ključne izvore procjene neizvjesnosti na datum bilansa, koje nose značajan rizik uzrokovanja materijalnog usklađivanja knjigovodstvene vrijednosti imovine i obaveza u okviru naredne finansijske godine su sljedeće:

- **Vijek trajanja nekretnina, postrojenja i opreme**

Društvo preispituje procijenjeni vijek trajanja nekretnina, postrojenja i opreme na kraju svakog godišnjeg izvještajnog razdoblja.

- **Fer vrijednost finansijske imovine i ostalih finansijskih instrumenata**

Uprava koristi svoju prosudbu prilikom procjene umanjenja vrijednosti potraživanja od kupaca i ostalih potraživanja. Primjenjuju se uobičajene tehnike vrednovanja koje se temelje na analizi diskontiranih novčanih tokova na bazi ranijih iskustava Društva vezano za naplatu potraživanja.

- **Ostale procjene**

Ostale procjene koje se koriste pri izradi finansijskih izvještaja odnose se na iznose rezervisanja za potencijalne gubitke po eventualnim sudskim sporovima.

- **Realne vrijednosti**

Fer vrijednost predstavlja iznos za koji se neka imovina može zamijeniti ili neka obaveza podmiriti po tržišnim uslovima. Kako nije moguće doći do referentnih tržišnih cijena značajnog dijela aktive i pasive Društva, fer vrijednosti temelje se na procjenama Uprave s obzirom na vrstu aktive i osnovu obaveze. Uprava vjeruje da se fer vrijednosti aktive i obaveza ne razlikuju značajno od njihove knjigovodstvene vrijednosti.

NAPOMENA 3 – STALNA SREDSTVA

Stalna sredstva iskazuju se po trošku nabavke, a naknadno po trošku nabavke umanjeno za obračunatu amortizaciju.

Iskazana su sredstva nabavne vrijednost KM 18.104, te pripadajuća ispravka vrijednost KM 12.384, odnosno neto knjigovodstvene vrijednosti KM 5.720.

Obračunata je amortizacija perioda KM 3.247.

Nema upisanih tereta nad stalnim sredstvima.

Redovnim godišnjim popisom nisu utvrđene inventurne razlike stalnih sredstava.

Vrijednosti stalnih sredstava, kao i njihove promjene u toku 2025. godine iskazane su tabelarno kako slijedi:

	Nematerijalna imovina	Postrojenja i oprema	Total
Trošak			
Početno stanje	453	17.228	17.681
Povećanje	-	423	423
Smanjenje	-		
31. Dec. 2025	453	17.651	18.104
Ispravka vrijednosti			
Početno stanje	453	8.684	9.137
Amortizacija perioda	-	3.247	3.247
Smanjenje	-		
31. Dec. 2025	453	11.931	12.384
Neto knjig.vrijednost			
31. Dec. 2025	-	5.720	5.720
31. Dec. 2024	-	8.544	8.544

- **Nematerijalna imovina**

Iskazana je nabavna vrijednost Nematerijalne imovine u ukupnom iznosu KM 453, a koja se odnosi na software.

- **Postrojenja i oprema**

Iskazana je nabavna vrijednost Postrojenja i opreme u ukupnom iznosu KM 18.104, a koja se odnosi na (značajnije):

- Kompjuter sa softwerom KM 1.792
- Printer MF HP M 428 KM 629
- Laptop ASUS KM 1.452

U 2025. godini postrojenja i oprema je povećana za KM 423.

U tekućoj poslovnoj godini u odnosu na prethodnu poslovnu godinu, stalna sredstva su smanjena za KM 2.824, odnosno za 33,05 %.

NAPOMENA 4 – FINANSIJSKA IMOVINA

(U KM)	2025	2024
Finansijska imovina	880.224	619.765
	880.224	619.765

Finansijska imovina u iznosu od KM 880.224 odnosi se na:

- Potraživanja od kupaca KM 875.379
- Ostala kratkoročna potraživanja KM 4.845

Strukturu potraživanja od kupaca u iznosu od KM 875.379 čini:

- Kupci pravna lica KM 398.624
- Kupci – TC, sportski i dr. objekti – javno saopštavanje KM 145.231
- Kupci – kablovski emiteri – reemitovanje KM 228.889
- Kupci – hoteli i dr. ugostiteljski objekti – javno emitovanje KM 102.635

Značajnija potraživanja su od sljedećih kupaca u zemlji:

- BH Telecom d.d. Sarajevo KM 114.392
- MTEL a.d. Banja Luka KM 96.229
- Blicnet d.o.o. Banja Luka KM 44.423
- RTV BiH KM 42.188
- Telemach d.o.o. Sarajevo KM 29.785

U tekućoj poslovnoj godini u odnosu na prethodnu poslovnu godinu, finansijska imovina je povećana za KM 260.459, odnosno za 42,03 %.

NAPOMENA 5 – NOVAC I NOVČANI EKVIVALENTI

(U KM)	2025	2024
Transakcijski računi	1.652.339	1.577.484
Blagajna	77	191
	1.652.416	1.577.675

Iskazana je vrijednost novca u iznosu KM 1.652.416, a koji se sastoji od novčanih sredstava na transakcijskim računima u domaćoj i stranoj valuti.

U tekućoj poslovnoj godini u odnosu na prethodnu poslovnu godinu, novac i novčani ekvivalenti su povećani za KM 74.741, odnosno za 4,74 %.

NAPOMENA 6 – POTRAŽIVANJA ZA VIŠE PLAĆENI PDV

(U KM)	2025	2024
Potraživanja za više plaćeni PDV	5.187	5.187
	5.187	5.187

Udruženje ne dokazuje realnost iskazane vrijednosti bilansne pozicije, zbog čega predlažemo Upravi da analizira istu, te u skladu s tim donese odgovarajuću poslovnu odluku.

Navedeno nije kvalifikacija našeg mišljenja i isto nema značajan utjecaj na finansijski položaj i rezultat poslovanja.

U tekućoj poslovnoj godini u odnosu na prethodnu poslovnu godinu, potraživanja za više plaćeni PDV su ostala nepromijenjena.

NAPOMENA 7 – FINANSIJSKE OBAVEZE

(U KM)	2025	2024
Finansijske obaveze	29.705	16.770
	29.705	16.770

Finansijske obaveze u iznosu od KM 29.705 odnose se na:

- Obaveze prema dobavljačima KM 4.467
- Obaveze iz osnova plaća, naknada i ostalih primanja zaposlenih KM 25.114
- Ostale obaveze KM 124

U tekućoj poslovnoj godini u odnosu na prethodnu poslovnu godinu, finansijske obaveze su povećane za KM 12.935, ili 77,14 %.

NAPOMENA 8 – ODGOĐENI PRIHOD

(U KM)	2025	2024
Odgođeni prihod	21.516	21.516
	21.516	21.516

Udruženje ne dokazuje realnost iskazane vrijednosti bilansne pozicije, zbog čega predlažemo Upravi da analizira istu, te u skladu s tim donese odgovarajuću poslovnu odluku.

Navedeno nije kvalifikacija našeg mišljenja i isto nema značajan utjecaj na finansijski položaj i rezultat poslovanja.

U tekućoj poslovnoj godini u odnosu na prethodnu poslovnu godinu, odgođeni prihod je ostao nepromijenjen.

NAPOMENA 9 – OBAVEZE ZA PDV

(U KM)	2025	2024
Obaveze za PDV	78.630	27.614
	78.630	27.614

U tekućoj poslovnoj godini u odnosu na prethodnu poslovnu godinu, obaveze za PDV su povećane za KM 51.016.

NAPOMENA 10 – OSTALE OBAVEZE UKLJUČUJUĆI RAZGRANIČENJA I REZERVISANJA

(U KM)	2025	2024
Ostale obaveze uključujući razgraničenja i rezervisanja	2.413.696	2.145.271
	2.413.696	2.145.271

Ostala razgraničenja i rezervisanja u iznosu od KM 2.413.696 odnose se na:

- Ukalkulisana rezervisana sredstva za tantijeme i fondove za 2025. godinu KM 909.327
- Fond za žalbe - 2024 KM 30.411
- Fond za kulturne i socijalne namjene – 2024 KM 9.975

- Fond za raspodjelu – 2021 – prepoznata dijela – tantijemi KM 1.660
- Fond za raspodjelu – 2022 – prepoznata dijela – tantijemi KM 327.521
- Fond za raspodjelu – 2023 – prepoznata dijela – tantijemi (sa Reprobosom) KM 504.299
- Fond za raspodjelu – 2024 – prepoznata dijela – tantijemi (sa Reprobosom) KM 630.503

Raspodjela prihoda vrši se na osnovu pravila i principa koji su utvrđeni Statutom AIS-a, odnosno izvođačima za raspodjelu idu sva sredstva od ostvarenih prihoda, nakon odbijenih sredstava za pokriće troškova zaštite (troškova ubiranja, obrade podataka i raspodjele izvođačkih naknada), te troškova za rad AIS-a, 10% odbijenih sredstava za Fond za socijalne i kulturne namjene, 5% odbijenih sredstava za Fond za žalbe i sredstava za Fond za nepoznata djela.

Raspodjela naknada za prava izvođača muzičkih djela (tantijema) za 2024. godinu

U 2025. godini izvršena je raspodjela naknada za prava izvođača muzičkih djela za 2024. godinu na osnovu odluke broj SK 17-19A-2025 od 29.05.2025.godine i to:

- Završnim obračunom za 2024. godinu nakon odbijenih sredstava za pokriće troškova zaštite (troškova ubiranja, obrade podataka i raspodjele izvođačkih naknada) preostali iznos sredstava je KM 840.274,55
- Na ovaj iznos oduzima se iznos Reprobosa za 2023. godinu koji je isplaćen u 2024. godinu KM 167823,37, tako da preostali iznos za tantijeme i fondove iznosi KM 672.451,18
- Od ukupnog prihoda, KM 1.284.487,37 izdvojiti će se sredstva u iznosu od 5% u Fond za kulturne i socijalne namjene KM 64.224,37
- Godišnjim planom raspodjele ubranih naknada od preostalog iznosa od KM 608.226,81 izdvojiti će se sredstva u iznosu od 5% u Fond za žalbe KM 30.411,34
- Na preostali iznos od KM 577.815,47 dodaju se iznosi sredstava iz isteklog fonda za žalbe KM 29.732,73 kao i Istekli fond za tantijeme iz 2021. godine KM 231.714,95
- Iznos preostalih sredstava KM 839.263,15 rezervisan je za raspodjelu.

U skladu sa Članom 43. Stav II Statuta, Upravni odbor je utvrdio minimalnu naknadu u iznosu od KM 9.

U 2025. godini izvršena je isplata tantijema za 2024. godinu u neto iznosu od KM 377.232,75 za 638 izvođača, dok je 71 izvođača ostvarilo iznos niži od KM 9, te 24 nije imalo potpunu dokumentaciju. Izvršeno je u skladu sa Pravilnikom o raspodjeli umanje sredstava izvođačima koji su bili u pretplati po ponovljenom obračunu za 2022. godinu. 59 izvođača je ostalo u pretplati u ukupnom bruto iznosu KM 15.064,61 za koji će biti umanjeno prilikom naredne isplate tantijema.

U 2025. godini izvršena je isplata tantijema za 2022. godinu po ponovljenom obračunu u neto iznosu od KM 13.490,69 za 283 izvođača kojima je manje isplaćen iznos po prethodnom obračunu, 10 nisu imali potpunu dokumentaciju, dok 48 izvođača je imao obračun manji od KM 9.

Izvršena je korekcija isplata tantijema i sredstva su umanjena za KM 132.314,94. Također, Isplaćena su izvođačima sredstva od KM 42.007 dobijena od kolektivne organizacije PI (Srbija) za 2020. i 2021. godinu. Izvršena je isplata kolektivnoj organizaciji HUZIP (Hrvatska) KM 62.998,71 prema bilateralnom ugovoru.

U 2025. godini izvršena je isplata tantijema iz Fonda za raspodjelu za 2023. godinu za 29 izvođača koji su dostavili urednu dokumentaciju ili čiji je iznos prešao prag od KM 9 u neto iznosu KM 1.597,93 + kolektivnoj organizaciji HUZIP (Hrvatska) KM 35.093,83 prema bilateralnom ugovoru.

Izvršena je također isplata tantijema za 58 izvođača iz Fonda za raspodjelu za 2021. godinu koji su dostavili urednu dokumentaciju ili čiji je iznos prešao prag od KM 9 u neto iznosu od KM 1.698,93 .

Uvažavajući revizorske procedure, prikupljanje, analizu i dokazivanje ispravnosti obračuna i isplate tantijema prava izvođača muzičkih dijela, izvršili smo analizu i testiranje uzorka od dvadeset izvođača muzičkih dijela, a uvažavajući Pravilnik o raspodjeli, mišljenja smo da je za svih testiranih dvadeset tantijema za 2023. godinu izvršen tačan obračun i isplata istih.

U tekućoj poslovnoj godini u odnosu na prethodnu poslovnu godinu ostale obaveze uključujući razgraničenja i rezervisanja su povećane za KM 268.425, ili 12,51 %.

NAPOMENA 11 – PRIHODI OD VLASTITE AKTIVNOSTI

(U KM)	2025	2024
Prihodi od vlastite aktivnosti	1.306.457	1.282.988
	1.306.457	1.282.988

U 2025. godini ostvareni su prihodi od vlastite aktivnosti u iznosu KM 1.308.457, i to:

- Prihodi od TC, sportskih i drugih objekata KM 82.546
- Prihodi od RTV emitera KM 206.977
- Prihodi od kablovski emitera KM 811.789
- Prihodi od hotela i drugih ugostiteljskih objekata KM 27.033
- Prihodi od koncerata KM 175
- Prihodi od kamata KM 165
- Ostali prihodi KM 167.823
- Prihodi od sudskih postupaka KM 9.949

Na dan 31.12.2025. godine bilo je potpisanih i punovažnih ukupno 558 Pojedinačnih ugovor sa Korisnicima kako slijedi:

- 279 ugovora sa ugostiteljima
- 158 ugovora sa emiterima i javnim servisima
- 79 ugovora sa tržišnim centrima trgovačkim lancima
- 19 ugovora sa kablovskim operaterima
- 12 ugovora za benzinskim pumpama
- 2 ugovor sa fitnes centrom
- 1 ugovor za bankom

- 1 ugovor sa stomatološkom ordinacijom
- 1 ugovor sa Comp Astor doo PJ
- 6 koncerti

U tekućoj poslovnoj godini u odnosu na prethodnu poslovnu godinu, prihodi od vlastite aktivnosti su povećani za KM 23.469, ili 1,83 %.

NAPOMENA 12 – OSTALI PRIHODI I DOBICI

(U KM)	2025	2024
Ostali prihodi i dobici	65.564	1.499
	65.564	1.499

U tekućoj poslovnoj godini u odnosu na prethodnu poslovnu godinu, ostali prihodi i dobici su povećani za 64.065.

NAPOMENA 13 – TROŠKOVI MATERIJALA, ENERGIJE I GORIVA

(U KM)	2025	2024
Troškovi materijala, energije i goriva	3.195	3.615
	3.195	3.615

Troškovi materijala, energije i goriva u iznosu od KM 3.195 odnose se na:

- Troškovi kancelarijskog materijala KM 1.578
- Troškovi materijala za održavanje čistoće KM 254
- Održavanje poslovnog prostora KM 526
- Troškovi električne energije KM 837

U tekućoj poslovnoj godini u odnosu na prethodnu poslovnu godinu, troškovi materijala, energije i goriva su smanjeni za KM 420, ili 11,62 %.

NAPOMENA 14 – TROŠKOVI PLAĆA I OSTALIH LIČNIH PRIMANJA

(U KM)	2025	2024
Troškovi plaća i ostalih ličnih primanja	267.145	297.145
	267.145	297.145

Troškovi plaća i ostalih ličnih primanja u iznosu od KM 267.145 odnose se na:

- Troškovi bruto plata KM 153.223
- Troškovi doprinosa na plata KM 12.287
- Troškovi toplog obroka KM 10.560
- Troškovi prevoza zaposlenih KM 2.387
- Troškovi regresa KM 3.148
- Troškovi naknada za ugovore o dijelu KM 28.894
- Troškovi naknada za UO, NO i Skupštinu KM 56.646

Na dan 31.12.2025. udruženje ima tri osoba u radnom odnosu i to:

- Husejnović Amer – stručni izvršilac poslova obračuna i raspodjele tantijema, unosa i obrade podataka o članstvu i muzičkim djelima, od 19.08.2025.godine v.d. direktor stručne službe
- Reuf Herić - direktor stručne službe, odjava 16.06.2025
- Fazlić Edita – referent za odnose sa korisnicima, priprema ugovora, fakturisanje i naplata potraživanja
- Esada Džananović – Cviko – referent za odnose sa korisnicima, pripremu ugovora, fakturisanje i naplatu potraživanja (ugovor o radu na određeno vrijeme u trajanju od 1 godine), odjava 31.12.2025
- Senad Rožajac – organizator poslova za upravni odbor, nadzorni odbor i skupštinu

U tekućoj poslovnoj godini u odnosu na prethodnu poslovnu godinu troškovi plaća i ostalih ličnih primanja su smanjeni za KM 30.000, ili 10,10 %.

NAPOMENA 15 – AMORTIZACIJA

(U KM)	2025	2024
Amortizacija	3.246	3.351
	3.246	3.351

U tekućoj poslovnoj godini u odnosu na prethodnu poslovnu godinu troškovi amortizacije su smanjeni za KM 105, ili 3,13 %.

NAPOMENA 16 – TROŠKOVI PRIMLJENIH USLUGA

(U KM)	2025	2024
Troškovi primljenih usluga	183.666	132.160
	183.666	132.160

Troškovi primljenih usluga i iznosu od KM 183.666 odnose se na :

- Zakupnina KM 13.467
- Troškovi reprezentacije KM 813
- Bankarske usluge KM 3.645
- Komunalne usluge KM 1.633
- PTT – telefon KM 3.744
- PTT – internet KM 24
- Otprema pošte KM 3.812
- Takse i ostale državne naknade KM 11.834
- Knjigovodstvene i revizorske usluge KM 69.572
- Usluge kotizacije i članarina KM 38.961
- Usluge obezbjeđenja KM 1.000
- Pravne usluge KM 31.724
- Troškovi skupštine KM 860
- Ostale usluge KM 1.806
- Troškovi oglašavanja KM 771

U tekućoj poslovnoj godini u odnosu na prethodnu poslovnu godinu troškovi primljenih usluga su povećani za KM 51.506, ili 38,97 %.

NAPOMENA 17 – OSTALI RASHODI I GUBICI

(U KM)	2025	2024
Ostali rashodi i gubici	914.769	848.216
	914.769	848.216

Ostali rashodi i gubici u iznosu KM 914.769 odnose se na :

- Troškovi tantijema i fondova KM 909.327
- Putni troškovi KM 1.524
- Porezi i doprinosi koji ne zavise od rezultata KM 2.449
- Ostali rashodi KM 1.469

Rezervisana sredstva za tantijeme i fondove

Završnim obračunom za 2025. godinu nakon odbijenih sredstava za pokriće troškova zaštite (troškova ubiranja, obrade podataka i raspodje izvođačkih naknada) preostali iznos sredstava iznosi KM 909.327.

U skladu sa Zakonom, internim aktima i odlukom upravljačkih tijela AIS-a te pozitivnim zakonskim propisima, u toku 2026. godine izvršiti će se raspodjela naknada za prava izvođača muzičkih djela za 2025. godinu.

U tekućoj poslovnoj godini u odnosu na prethodnu poslovnu godinu ostali rashodi i gubici su povećani za KM 66.553, ili 7,85 %.

NAPOMENA 18 – POTENCIJALNE OBAVEZE I POTENCIJALNA SREDSTVA

Društvo vodi niz sudskih sporova protiv drugih pravnih lica, i to (značajniji sudski sporovi):

- FIS d.o.o. Vitez, visina spora KM 149.365,60
- Robot General Trading Co d.o.o.Sarajevo, visina spora KM 60.000
- Jasmina Misirlić, visina spora KM 14.000

Protiv društva se vode sudski sporovi i to:

- Tužitelj Jasmina Misirlić, visina spora KM 10.008,93 – predmet 2024-2025 i visina spora KM 35.049 – predmet 2024
- Tužitelj Reuf Herić, visina spora KM 30.100 – predmet 2025 i visina spora KM 30.100 – predmet 2025
- Tužitelj Sulejman Kadić, visina spora KM 12.965,94 – predmet 2025
- Tužitelj Almir Ajanović i ostali, visina spora KM 5.001

Uvažavajući odjeljak broj 21 MSFI za MSP – Rezervisanja, potencijalne obaveze i potencijalna imovina, u slučaju potencijalne obaveze, u konkretnom slučaju tužbe protiv društva, nadležni organ je dužan da donese procjenu da li je vjerovatno da će podmirenje te obaveze zahtijevati odliv resursa, te uvažavajući ostale uslove, eventualno izvršiti rezervaciju u visini spora.

Po informaciji advokata društva, podignute su tužbe protiv društva, pa je bilo potrebno da nadležni organ donese procjenu o ishodu sporova, na osnovu čega bi se eventualno izvršila rezervacija.

Međutim, nadležni organ nije donio takvu odluku. Uvažavajući tu činjenicu, te činjenicu da iznosi sporova nisu materijalno značajani, nismo kvalifikovali naše mišljenje po ovom osnovu.

Nije moguće pouzdano donijeti procjenu da li postoje dodatne potencijalne obaveze i potencijalna sredstva te procijeniti njihove efekte na finansijske izvještaje Društva.

Nismo uočili eventualne mogućnosti za nastanak dodatnih potencijalnih obaveza iz redovnih poslovnih aktivnosti Društva, niti smo uočili mogućnost za pokretanje eventualnih sporova koji bi mogli ugroziti stalnost poslovanja Društva.

NAPOMENA 19 – POVEZANE STRANKE

Provodeći revizijske procedure, revizori nisu uočili bilo kakve netransparentne radnje kojima bi bili povrijeđeni interesi Društva u smislu MRS 24 – Povezane stranke.

NAPOMENA 20 – POREZNI ASPEKT

U 2025.godini izvršena je inspekcijska kontrola obračuna i uplate direktnih poreza od strane Porezne uprave Federacije BiH, kantonalni porezni ured Sarajevo za period 01.01.2019. – 31.12.2024. godine po čemu je izdat Zapisnik broj 13-9-02-12-20-452/25 od 03.06.2025.godine, te Rješenje broj 13-9-02-12-20-753-1/25 od 03.07.2025.godine.. Navedenim Rješenjem su konstatovane dodatne porezne obaveze, na koje je Društvo uložilo žalbu koja odlaže izvršenje Rješenja..

Dodatne porezne obaveze po prvostepenom Rješenju su obračunate po osnovu toga što je nadležni organ – inspekcija, mišljenja da se porez na imovinska prava obračunava na ukupan iznos primljenih naknada od korisnika, a ne na iznos naknade koji se isplaćuje izvođačima kako se godinama postupalo.

Društvo uredno ispunjava obaveze po osnovu indirektnih i direktnih poreza i doprinosa.

Revizijske procedure koje se tiču poreznog aspekta proveli smo po revizijskom principu značajnosti.

NAPOMENA 21 – OSTALO

Na temelju uvida u dokumentaciju koja je relevantna sa pravnog, finansijskog i računovodstvenog aspekta, izvršili smo reviziju finansijskih izvještaja za poslovnu 2025. godinu na temelju slijedećeg:

- Završni račun – kompletan set finansijskih izvještaja, ovjeren od strane FIA i ispostave Porezne uprave Sarajevo za 2025. godinu;
- Kompletne analitičke i sintetičke evidencije;
- Kompletnu pravno – ekonomsku, knjigovodstvenu i finansijsku dokumentaciju po zahtjevu revizora.

Društvo svoje knjigovodstvo vodi kod ovlaštene agencije i osoba koja je ovjerila set finansijskih izvještaja za 2025. godinu je Šljivo Suada (dozvola broj 1580/5) – certificirani računovođa.

Reviziju finansijskih izvještaja za poslovnu 2025 . godinu obavio je Zoran Turković ovlašteni revizor (certifikat broj 3070172105).
